

斷句
校正

白香山詩集

藝卿署



白香山詩後集卷十四

律詩

凡九十
六首

從同州刺史改授太子少傅分司

承華東署三分務。履道西池七過春。歌酒優遊聊卒歲。園林蕭灑可終身。留侯爵秩誠虛貴。疏受生涯未苦貧。月俸百千官二品。朝廷應我作閒人。張良疏受並為太子少傅

奉和裴令公新成午橋莊綠野堂即事

舊徑開桃李。新池鑿鳳凰。只添丞相閣。不改午橋莊。遠處塵埃少。閒中日月長。青山為外屏。綠野是前堂。引水多隨勢。栽松不趁行。年華觀風景。春事看農桑。花妒謝家妓。蘭偷荀令香。遊絲飄酒席。瀑布濺琴牀。巢許終身穩。蕭曹到老忙。十年落公便。進退處中央。時裴加中書令

立召按裴度本傳太和八年留守東都九年進中書令自是中官用事衣冠道喪度以年及應車王綱板蕩不復以出處為意東都立第於集賢里築山穿池竹木叢萃有風亭水榭梯橋架閣島嶼回環極都城之勝既又於午橋創制別墅花木萬株中起涼臺暑館名曰綠野堂引甘水貫其中驪引脈分映帶左右度視事之隙與詩人白居易劉禹錫酣宴終日高歌放言以詩酒琴書自樂

自題小草亭

新結一茅茨。規模儉且卑。土階全壘塊。山木半留皮。陰合連藤架。巖香近菊籬。壁宜

藜杖倚門稱荻簾垂。窗裏風清夜。檐間月好時。留連常酒客。勾引坐禪師。伴宿雙棲鶴。扶行一侍兒。綠醅量淺飲。紅稻約升炊。齷齪豪家笑。酸寒富屋欺。陶廬聞自愛。顏巷陋誰知。螻蟻謀深穴。鷦鷯占小枝。各隨其分足。焉用有餘為。

自詠

細故隨緣盡。衰形具體微。闌閒僧尚鬧。較瘦鶴猶肥。老遣寬裁襪。寒教厚絮衣。馬從銜草輟。難任啄籠飛。要愛天和在。無令物性違。自餘君莫問。何是復何非。

新亭病後獨坐招李侍郎公垂

新亭未有客。竟日獨何為。趁暖泥茶竈。防寒夾竹籬。頭風初定後。眼暗欲明時。淺把三分酒。閒題數句詩。應須置兩榻。一榻待公垂。

閒卧寄劉同州

輭褥短屏風。昏昏醉卧翁。鼻香茶熟後。腰暖日陽中。伴老琴長在。迎春酒不空。可憐閒氣味。唯欠與君同。

殘酌晚餐

閒傾殘酒後。煖擁小爐時。舞看新翻曲。歌聽自作詞。魚香肥潑火。飯細滑流匙。除却慵饒外。其餘盡不知。

喜見劉同州夢得

紫綬白鬚髯。同年二老夫。論心共牢落。見面且歡娛。酒好攜來否。詩多記得無。應須為春草。五馬少踟蹰。

裴令公席上贈別夢得

年老官高多別離。轉難相見轉相思。雪銷酒盡梁王起。便是鄒枚分散時。

尋春題諸家園林

聞健朝朝出。乘春處處尋。天供閒日月。人借好園林。漸以狂為態。都無悶到心。平生身得所。未省似而今。

又題一絕

貌隨年老欲何如。興遇春牽尚有餘。遙見人家花便入。不論貴賤與親疎。

家園三絕

滄浪峽水子陵灘。路遠江深欲去難。何似家池通小院。卧房階下插魚竿。
籬下先生時得醉。甕頭吏部暫偷閒。何如家醞雙魚榼。雪夜花時長在前。
鴛鴦怕捉竟難親。鸚鵡雖籠不著人。何似家禽雙白鷺。閒行一步亦隨身。

立名按雲仙雜記白氏履道里宅有池水可泛舟樂天每會客於池上
十袖囊懸酒炙沈水中隨船而行一物盡則左右又進之纖盤足於水底也

老來生計

老來生計君看取。白日遊行夜醉吟。陶令有田唯種黍。鄧家無子不留金。人間榮耀因緣淺。林下幽閒氣味深。煩慮漸銷虛白長。一年心勝一年心。

早春題少室東巖

三十六峰晴。雪銷嵐翠生。月留三夜宿。春引四山行。遠草初含色。寒禽未變聲。東巖最高石。唯我有題名。

早春即事

眼重朝眠足。頭輕宿酒醒。陽光滿前戶。雪水半中庭。物變隨天氣。春生逐地形。北簷梅晚白。東岸柳先青。蔥蘢抽羊角。松巢墜鶴翎。老來詩更切。吟罷少人聽。

歎春風兼贈李二十侍郎二絕

樹根雪盡催花發。池岸冰消放草生。唯有鬚霜依舊白。春風於我獨無情。道場齋戒今初畢。酒伴歡娛久不同。不把一杯來勸我。無情亦得似春風。

春來頻與李二賓客郭外同遊因贈長句

風光引步酒開顏。送老消春嵩洛間。朝踏落花相伴出。暮隨飛鳥一時還。我為病叟誠宜退。君是才臣豈合閒。可惜濟時心力在。放教臨水復登山。

二月二日

二月二日新雨晴。草芽菜甲一時生。輕衫細馬春年少。十字津頭一字行。

奉和令公綠野堂種花

綠野堂開占物華。路人指道令公家。令公桃李滿天下。何用堂前更種花。

清明日登老君閣望洛城贈韓道士

風光烟火清明日。歌哭悲歡城市間。何事不隨東洛水。誰家又葬北邙山。中橋車馬
衣無已。下渡舟航亦不閒。冢墓累累人擾擾。遠東悵望鶴飛還。

三月三日

畫堂三月初三日。絮撲窗紗燕拂簷。蓮子數杯嘗冷酒。柘枝一曲試春衫。階臨池面
勝看鏡戶。映花簾當下簾。指點樓南祝新片。玉鉤素手兩纖纖。

雨中聽琴者彈別鶴操

雙鶴分離一何苦。連陰雨夜不堪聞。莫教遷客孀妻聽。嗟歎悲啼詎殺君。

酬鄭二司錄與李六郎中寒食日相過同宴見贈

二人並
是同年

偶因冷節會嘉賓。況是平生心所親。迎接須矜疏傅老。祇供莫笑阮家貧。杯盤狼藉
宜侵夜。風景闌珊欲過春。相對喜歡還悵望。同年只有此三人。

喜與楊六侍御同宿

岸幘靜言明月夜。匡牀閒卧落花朝。二三月裏饒春睡。七八年來不早朝。濁水清塵難會合。高鵬低鷁各逍遙。眼看又上青雲去。更卜同衾一雨宵。

殘春詠懷贈楊慕巢侍郎

位適三品日。

太子少傅
位三品

年過六旬時。

予今年
六十五

不道官班下。其如筋力衰。猶憐好風景。

轉重舊親知。少壯難重得。歡娛且強為。興來池上酌。醉出袖中詩。靜話開襟久。閒吟放殘邊。落花無限雪。殘鬢幾多絲。莫說傷心事。春翁易酒悲。

閒居春盡

閒泊池舟靜掩扉。老身慵出客來稀。愁應暮雨留教住。春被殘鶯喚遣歸。揭簾偷嘗新熟酒。開箱試著舊生衣。冬裘夏葛相催促。垂老光陰速似飛。

春盡日天津橋醉吟呈李尹侍郎

宿雨洗天津。無泥未有塵。初晴迎早夏。落照送殘春。興發詩隨口。狂來酒寄身。水邊行覓屐。橋上立校巡。疏傳心情老。吳公政化新。三川徒有主。風景屬閒人。

池上逐涼二首

青苔地上消殘暑。綠樹陰間逐晚涼。輕屐單衣薄紗帽。淺池平岸庫藤牀。簷簾怪我

情何薄。泉石語君味甚長。偏問交親為老計。多言宜靜不宜忙。
窗間睡足休高枕。水畔閒來上小船。權遣蒼頭奴子撥茶。教纖手侍兒煎。門前便是
紅塵地。林外無非赤日天。誰信好風清草上。更無一事但悠然。

香山避暑二絕

六月灘聲如猛雨。香山樓北暢師吟。夜深起凭闌干立。滿耳潺湲滿面涼。
紗巾草履竹疎衣。晚下香山蹋翠微。一路涼風十八里。卧乘籃輿睡中歸。

老夫

七八年來遊洛都。三分遊伴二分無。風前月下花園裏。處處唯殘个老夫。世事勞心
非富貴。人生實事是歡娛。誰能逐我來閒坐。時共酣歌傾一壺。

香山下卜居

老須為老計。老計在抽簪。山下初投足。人間久息心。亂藤遮石壁。絕澗護雲林。若要
深藏處。無如此處深。

無長物

莫訝家居窄。無嫌活計貧。只緣無長物。始得作閒人。青竹單牀罩。烏紗獨幅巾。其餘
皆稱是。亦足奉吾身。

宿香山寺酬廣陵牛相公見寄

寄來詩云。惟羨東都白居士。月明香積園。禪師時牛相公三來乞退。有詔不許。

手札八行詩一篇。無由相見但依然。君匡聖主方行道。我事空王王坐禪。支許徒思遊白月。夔龍未放下青天。應須且爲蒼生住。猶去懸車十四年。

牛相公今年五十七。

以詩代書寄戶部楊侍郎勸買東鄰王家宅

勸君買取東鄰宅。與我衡門相並開。雲映嵩峯當戶牖。月和伊水入池臺。林園亦要趁閒置。筋力應須及健回。莫學西施白賓客。欲年六十始歸來。

贈談客

上客清談何疊疊。幽人閒思白寥寥。請君休說長安事。邠上風清琴正調。

初入香山院對月

大和六年秋作。

老住香山初到夜。秋逢白月正圓時。從今便是家山月。試問清光知不知。

題龍門堰西澗

東岸蒹葭西岸柳。柳陰烟合蒹花開。一條秋水琉璃色。闊狹纔容小舫回。除却悠悠白少傅。何人解入此中來。

秋霖中奉裴令公見招早出赴會馬上先寄六韻

雨暗三秋日。泥深一尺時。老人平旦出。白閣欲何之。不是尋醫藥。非干送別離。素書

傳好語。絳帳赴佳期。續借桃花馬。催迎楊柳姬。只愁張錄事。罰我怪來遲。

嘗酒聽歌招客

一甕香醪新插篋。雙鬟小妓薄能謳。管絃漸好新教得。羅綺雖貧免外求。世上貪忙不覺苦。人間除醉卽須愁。不知此事君知否。君若知時從我遊。

八月三日夜作

露白月微明。天涼景物清。草頭珠顆冷。樓角玉鉤生。氣爽衣裳健。風疎砧杵鳴。夜衾香有思。秋簟冷無情。夢短眠頻覺。宵長起暫行。燭凝臨曉影。蟲怨欲寒聲。槿老花先盡。蓮凋子始成。四時無了日。何用歎衰榮。

病中贈南鄰覓酒

頭痛牙疼三日卧。妻看煎藥婢來扶。今朝似校擡頭語。先問南鄰有酒無。

曉眠後寄楊戶部

軟綾腰褥薄棉被。涼冷秋天穩暖身。一覺睡眠殊有味。無因寄與早朝人。

秋雨夜眠

涼冷三秋夜。安閒一老翁。卧邊燈滅後。睡美雨聲中。灰宿溫餅火。香添暖被籠。曉晴寒未起。霜葉滿階紅。

喜夢得自馮翊歸洛兼呈令公

上客新從左輔回。高陽興助洛陽才。已將四海聲名去。又占三春風景來。甲子等頭憐共老。文章敵手莫相猜。鄒枚未用爭詩酒。且飲梁王賀喜杯。

齊戒滿夜戲招夢得

紗籠燈下道場前。白日持齋夜坐禪。無復更思身外事。未能全盡世間緣。明朝又擬親杯酒。今夕先聞理管絃。方丈若能來問疾。不妨兼有散花天。

和令公問劉賓客歸來稱意無之作

水南秋一半。風景未蕭條。阜蓋迴沙苑。藍輿上洛橋。聞嘗黃菊酒。醉唱紫芝謠。稱意那勞問。請錢不早朝。

酬夢得窮秋夜坐即事見寄

燄細燈將盡。聲遙漏正長。老人秋向火。小女夜縫裳。菊悴籬經雨。萍銷水得霜。今冬暖寒酒。先擬共君嘗。

偶於維揚牛相公處覓得箏箏未到先寄詩來走筆戲答

來詩云但愁封寄去。魔物或驚禪。

楚匠饒巧思。秦箏多好音。如能惠一面。何啻值雙金。玉柱調須品。朱絃染要深。會教魔女弄。不動是禪心。

答夢得秋庭獨坐見贈

林梢隱映夕陽殘。庭際蕭疎夜氣寒。霜草欲枯蟲思急。風枝未定鳥棲難。客哀見鏡同惆悵。身健逢杯且喜歡。應是天教相暖熱。一時垂老與閒官。

長齋月滿攜酒先與夢得對酌醉中同赴令公之宴戲贈夢得

齊公前日滿三旬。酒榼今朝一拂塵。乘興還同訪戴客。解醒仍對姓劉人。病心湯沃寒灰活。老面花生朽木春。若怕平原怪先醉。知君未慣吐車茵。

奉酬淮南牛相公思黯見寄二十四韻

每對雙韻分叙兩意

白老忘機客。牛公濟世賢。鵬棲心戀水。鵬舉翅摩天。累就優閒秩。連操造化權。貧司甚蕭灑。榮路自喧闐。望苑三千日。台階十五年。是人皆棄忘。何物不陶甄。

居易三任官隱皆分

司東都於茲八載。思黯出入外內。凡十五年。皆同平章事。

藍輦遊嵩嶽。油幢鎮海隅。竹篙撐釣艇。金甲擁樓船。雪

夜尋僧舍。春朝列妓筵。長齋儼香火。密宴簇花鈿。自覺閒勝鬧。遙知醉笑禪。是非分

未定。會合杳無緣。我正思楊府。君應望洛川。西來風嫋嫋。南去雁連連。日落龍門外。

潮生瓜步前。秋同一時盡。月共兩鄉圓。舊春交歡在。新文氣調全。慙無白雪曲。難答

碧雲篇。金谷詩誰賞。蕪城賦眾傳。珠應嘔魚目。鉛未伏龍泉。遠訊驚魔物。深情寄酒

錢。霜紈一百匹。玉柱十三絃。

思黯達者爭先寄詩云。但恐封寄去。變物或驚懼。仍與酒資同至。

楚醴來尊裏。秦聲作

第
送耳邊何時紅燭下相對一陶然

吳祕監每有美酒獨酌獨醉但蒙詩報不以飲招輒此戲酬兼呈夢得

蓬山僊客下烟霄對酒唯吟獨酌謠不怕道狂揮玉麈

記云飲玉爵者弗揮亦曾乘興換金貂

吳監前任散騎常侍

君稱名士誇能飲

王孝伯云但常無事讀離騷痛飲即可稱名士

我是愚夫可見招獨酌謠云愚夫子不招

賴有伯倫為醉伴何愁不解傲松喬

酬夢得霜夜對月見懷

淒清冬夜景搖落長年情月帶新霜色砧和遠雁聲暖憐爐火近寒覺被衣輕枕上

酬佳句詩成夢不成

初冬月夜得皇甫澤州手札并詩數篇因遣報書偶題長句

清冷玉韻兩三章落泊銀鈎七八行心逐報書懸雁足夢尋來路繞羊腸水南地空

多明月山北天寒足早霜

嚴道所居在水南澤川在大行之北地也

最恨發醅新熟酒迎冬不待共君嘗

雪中酒熟欲攜訪吳監先寄此詩

新雪對新酒憶同傾一杯自然須訪戴不必待延枚

雪賦云延枚也

陳榻無辭解袁門莫懶

開笙歌與談笑隨事自將來

酬令公雪中見贈詩不與夢得同相訪

雪似鵝毛飛散亂人披鶴氅立徘徊鄒生枚叟非無興唯待梁王召即來

題酒甕呈夢得

若無清酒兩三甕。爭向白鬚千萬莖。麴蘖消愁真得力。光陰催老苦無情。凌烟閣上功無分。伏火爐中藥未成。更擬共君何處去。且來同作醉先生。

附醉吟先生傳醉吟先生者忘其姓字鄉里官爵忽忽不知吾為誰也官遊三十載將老退居洛下所居有池五六畝竹數千竿喬木數十株蓋欄舟橋具體而微先生安焉家雖貧不至寒餒平雖老未及耆性嗜酒耽琴淫詩凡酒徒琴侶詩客多與之遊遊之外棲心釋氏通學小中大乘法與嵩山僧如滿為空門友平泉客韋楚內山水友彭城劉夢得為丘壑友安定皇甫朗之為酒友每一相見欣然忘歸洛域內外六七十里間凡觀寺丘壑有泉石花竹者靡不遊人家有美酒鳴琴者靡不遇有圖書歌舞者靡不觀自居守洛川韋布衣家以宴遊召者亦時時往每良辰美景或雪朝月夕好事者相過必為之先拂酒壺次開篋詩酒既酣乃自授琴操宮聲弄秋思一編若與發命家僅調法部絃竹合奏竟費羽衣一曲若歡甚又命小妓歌楊柳枝新詞十數章放情自娛酩酊而後已往往來興履及鄰杖於鄉騎遊都邑肩舁適野界中置一琴一枕陶謝詩數卷琴竿左右懸雙酒壺尋水望山率情便去抱琴引酌興盡而返如此者凡十年其間日賦詩約千餘首日雖酒約數百斛而十年前從賦者不與焉妻孥弟姪慮其過也或讖之不應至於再三乃曰凡人之性鮮得中必有所偏好吾非中者也設不幸吾好利而不應至以至於多藏潤屋費禍危乎奈吾何說不辜吾好博奕一擲數萬傾財破產以致於妻子凍餒奈吾何好飲而不幸吾好撫捐衣削食銖鉛燒汞以至於無所成有所誤奈吾何今吾幸不好飲而自適於杯醵調詠之間放則放矣庸何傷乎不猶愈於好飲三者乎此劉伯倫所以開掃言而不讎王元功所以遊醉鄉而不還也遂率子弟入酒房環釀甕其踞仰面長吁太息曰吾生天地間才與行不逮於古人遠矣而富於黔婁壽於顏淵死於伯夷樂於榮啟期健於樹叔實幸甚幸甚餘何求哉若舍吾所好何以送老因自吟詠懷詩云抱琴榮盛樂縱酒劉伶達放眼青山任頭生白髮不知天地內更將幾年活從此到終身盡為閑日月吟罷自哂揭

寢酒醺。又引數杯。兀然而醉。既而醉復醒。醒復吟。吟復飲。飲復醉。醉吟相仍。若循環然。雖是得以幻夢身世。浮雲富貴。幕席天地。瞬息百年。胸中無事。昏然不知老之將至。古所謂得全於酒者。故自號為醉吟先生。於時開成三年。先生之齒六十有七。鬚盡白。髮半禿。齒雙缺。而觴詠之興獨未衰。顧謂妻子云。今之前吾適矣。今之後吾不自知其興何如。

迂叟

一辭魏闕就商賈。散地閒居八九春。初時被目為迂叟。近日蒙呼作隱人。冷暖俗情諳世路。是非閒論任交親。應須鈍墨機關外。安置疎愚鈍滯身。

洛下閒居寄山南令狐相公

已收身向園林下。猶寄名於祿仕間。不鍛嵇康彌嬾靜。無金疎傅更貧閒。支分門內餘生計。謝絕朝中舊往還。唯是相君忘未得。時思漢水夢巴山。

惜春贈李尹

春色有時盡。公門終日忙。雨衙但不闕。一醉亦何妨。芳樹花團雪。衰翁鬢撲霜。知君倚年少。未苦惜風光。

對酒勸令公開春遊宴

時泰歲豐無事日。功成名遂自由身。前頭更有忘憂日。向上應無快活人。自去年來多事故。從今日去少交親。宜須數歲謀歡會。好作開成第二春。

與夢得偶同到敦詩宅感而題壁

山東纔副蒼生願

漢書云山川出相

川上俄驚逝水波。履道淒涼新宅第。

敦詩宅在履道。修造初成。

宣城

零落舊笙歌。

崔家故樂多。歸宣州也。

園荒唯有薪堪采。門冷兼無雀可羅。今日相逢一作

偶同

到。傷心不是故經過。

楊六尚書新授東川節度使代妻戲賀兄嫂二絕

劉綱與婦共升仙。弄玉隨夫亦上天。何似沙哥領崔嫂。碧油幢引向秦川。

金花銀枕饒君用。罨畫羅衣盡一任。

一作嫂裁覓嫁

一作得黔婁為妹壻可能空寄蜀茶來。

立名按楊汝士字魚養。小字沙哥。開成中以尚書出鎮東川。時族昆弟嗣復鎮西川。對擁旌節。世祭其門。公即尚書妹壻也。

閒遊卽事

郊野遊行熟。邨園次第過。驀山尋汜澗。蹋水渡伊河。寒食青青草。春風瑟瑟波。逢人共杯酒。隨馬有笙歌。勝事經非少。芳辰過亦多。還須自知分。不老擬如何。

六十六

七十欠四歲。此生那足論。每因悲物故。還且喜身存。安得頭長黑。爭教眼不昏。交遊成拱木。婢僕見曾孫。瘦覺腰金重。衰憐鬢雪繁。將何理老病。應付與空門。

池上早春卽事招夢得

老更驚年改。閒先覺日長。晴熏綸英。黑春染柳梢黃。雲破山呈色。冰融水放光。低平穩船舫。輕暖好衣裳。白角三升。檣紅茵六尺牀。偶遊難得伴。獨醉不成狂。我有中心樂。君無外事忙。經過莫慵嬾。相去兩三坊。

因夢得題公垂所寄蠟燭因寄公垂

照梁初日光相似。出水新蓮豔不如。却寄兩條君領取。明年雙引入中書。

宰相入朝。舉雙燭。餘

官各一

令公南莊花柳正盛欲偷一賞先寄二篇

最憶樓花千萬朵。偏憐隄柳兩三株。擬捉社酒攜邨妓。擅入朱門莫怪無。

映樓桃花。拂段垂柳。

莊上最勝絕處。故舉以為對。

可惜亭臺閒度日。欲偷風景暫遊春。只愁花裏鶯饒舌。飛入宮城報主人。

春夜宴席上戲贈裴淄州

九十不衰真地仙。

裴年九十不衰真。

六旬猶健亦天憐。

予自

今年相遇鶯花月。此夜同歡歌

酒筵。四座齊聲和絲竹。兩家隨分闔金鉶。留君到曉無他意。圖向君前作少年。

贈夢得

年顏老少與君同。眼未全昏耳未聾。放醉卧為春日伴。趁歡行入少年叢。尋花惜馬